

文淵樓叢書

選學膠言

第 七 冊

選學膠言目錄

卷十六

九錫

獨斷脫制詔文

魏公加九錫

制詔之式

託辭宣德

九星

代馬謂代郡之馬

昂七星

綱紀

九京

貪夫廉

注改呂覽

乖戾字誤

文無害

淮汴崩離

莊子文改新序

青蒲事誤

薦表稱年稱字

掌伎

宮府

孔明渡瀘非今四川之瀘州

若無興德之言六字

文選不載後出師表

升平

求試非爲弭患

秦趙同祖

二叔

附馬非尙主之號

崩城事不可信

休沐

李密去官

僞朝

內史與太守同

表上惠帝非成都

版詔

袁爰一姓

冀州字誤

禮記武王封杞史記成王封宋之誤

甄本音堅

梁當作雍

密勿卽黽勉

三讓

驃騎將軍位不在三公上

一日九遷

表辭不稱名

王暕七葉

鹵簿上下通稱

精廬卽精舍

男韶武校字

選學膠言卷十六

錢唐張雲璈仲雅述

冊

九錫

潘元茂冊魏公九錫文

困學紀聞云周官上公九命王制有加則賜亦不過九命伏生大傳謂諸侯三年一貢士一適謂之好德再適謂之賢賢三適謂之有功有功者天子一賜以車服弓矢再賜以秬鬯三賜以虎賁百人號曰命諸侯此言三賜而已漢武紀元朔元年有司奏議曰古者諸侯貢士壹適謂之好德再適謂之賢賢三適謂

之有功迺加九錫九錫始見於此遂爲篡臣竊國之  
資自王莽始禮緯含文嘉有九錫之說亦起哀平間  
飾經文以覆邦家漢儒之罪大矣雲璈按莊元年公  
羊王使榮叔錫桓公命傳何休注卽引禮緯之文一  
曰車馬二曰衣服三曰樂則四曰朱戶五曰納陛六  
曰虎賁七曰弓矢八曰鈇鉞九曰秬鬯漢書武紀注  
應劭記同此文次第亦如之李氏注引韓詩外傳云  
一錫車馬再錫衣服三錫虎賁四錫樂器五錫納陛  
六錫朱戶七錫弓矢八錫鈇鉞九錫秬鬯與緯書微  
異韓嬰在文景之世已著九錫之說深寧謂始于元

朔奏議亦未確也

案王使榮叔來錫桓公命此脫來字

### 獨斷脫制詔文

制詔使持節丞相領冀州牧武平侯注引蔡邕獨斷曰制詔者王之言必爲法制也詔猶告也三代無其文秦漢有也雲璈按今獨斷無此文獨斷卷首爲綱下皆依以列敘今卷首有其言曰制詔一句在陛下與上之間獨缺制詔一條注所引正與相應是今本獨斷脫也盧學士獨斷校本據此注及太平御覽五百九十三補入

魏公加九錫

後漢書荀彧傳建安十七年董昭等欲共進操爵公  
九錫備物密以訪彧彧曰曹公本興義兵以匡振漢  
朝雖勲庸崇著猶秉忠貞之節君子愛人以德不宜  
如此事遂寢操心不能平會南征權用表彧叅軍後  
彧病畱壽春操饋之食發視乃空器於是飲藥而卒  
明年操遂稱魏公雲璈按魏志是時新破馬超十七  
年超餘衆梁興等屯藍田使夏侯淵擊平之割河內  
之蕩陰朝歌林慮東郡之衛國頓丘東武陽發干鉅  
鹿之廋陶曲周南和廣平之任城趙之襄國邯鄲易  
陽以益魏郡至征孫權還遂爲魏公加九錫蓋關中

既定而後操得肆志非緣文若之言而寢其事亦不因文若之死而行其意也至文若之仰藥乃其見幾而然一死以示不臣之意略如龔勝之於王莽此又文若之志而於操無與耳或傳之言未得其實

### 制詔之式

其以丞相領冀州牧如故下選本有今更下傳璽肅將朕命以允華夏其上故傳武平侯印綬凡二十二字魏志無之雲璩按此是制詔之式其後操爲魏王獻帝詔亦有其上魏公璽綬符策之語蓋當時體制應爾魏志偶脫也

通鑑綱目卷一百一十五  
令

託辭宣德

任彥昇宣德皇后令

王西泚先生十七史商榷云南史廢帝東昏侯紀直  
後張齊斬其首送蕭衍宣德太后令依海昏侯故事  
追封東昏侯宣德太后者文安皇后齊世祖武帝之  
子文惠太子妃也文惠未立而卒武帝崩孫文惠之  
子鬱林王昭業卽位尊文惠爲世宗妃爲皇太后稱  
宣德宮蕭鸞廢鬱林王而弑之假立海陵王昭文又  
廢弑之而自立皆託宣德太后令以行篡逆是爲明  
帝崩子東昏立無道被弑蕭衍迎后入宮稱制又假

令

宣德皇后令以行篡事一婦人也而兩朝篡奪皆託其名以欺人真如兒戲文選宣德皇后令一篇卽是進衍爲國公封十郡爲梁公僞讓不受而假爲后令勸令受者也

### 九星

困學紀聞云周書小開篇周公曰在我文考順道九紀一辰以紀日二宿以紀月三日以紀德四月以紀刑五春以紀生六夏以紀長七秋以紀殺八冬以紀藏九歲以紀終九紀與洪範五紀相表裏文選任彥昇曰不改參辰而九星仰止注引周書王曰余不知

九星之光周公曰星居日月四時歲是謂九星九星  
卽九紀也雲璈按此九星當指北斗九星不必漫引  
周書

代馬謂代郡之馬

代馬不敢南牧雲璈按史記蘇秦傳秦南有巴蜀北  
有代馬注謂代郡馬邑乃地名今此代馬直謂代郡  
之馬耳故後來如太白詩代馬不思越越禽不戀燕  
元微之詩嘶風悲代馬喘月伴吳牛皆是又注引韓  
詩外傳代馬依北風今本韓詩外傳無此句趙郡丞  
懷玉亦有生齋校本據此注以補韓詩亦以爲代郡

之馬

昴七星

五老游河飛星入昴注引論語比考讖曰仲尼曰吾聞帝堯率舜等升首山觀河渚乃有五老游渚飛爲流星上入昴又引彼注云入昴宿則復爲星是漢以前相傳昴爲五星故有降精五老之說然詩正義言昴不止五星王氏經義述聞云古人名星多少之數或與今異如伐三星而考工記曰熊旗六旂以象伐則合參之三星爲六矣營室二星而考工紀龜蛇四旂以象營室則合東壁二星爲四矣此古多於今也

參七星而詩以爲三星昴七星而詩以爲五星元命包以爲六星弧九星而天官書以爲四星此又古少於今也

教

綱紀 傳季友爲宋公修張良廟教

修張良廟及楚元王墓教首皆有綱紀之文注謂主簿之司也教主簿宣之故曰綱紀猶今詔書稱門下也雲璈按後漢書張升傳仕郡爲綱紀以能出守外黃令卽此五臣作紀綱蓋因左氏傳紀綱之僕而誤

九京

游九京者亦流連於隨會注引禮記趙文子與叔譽  
觀於九原言京當爲原雲璈按禮檀弓晉獻文子曰  
武也得歌於斯哭於斯聚國族於斯是全要領於九  
京也鄭注晉卿大夫之墓地在九原京蓋原之誤當  
爲原是原之誤京久矣正字通別出京字云俗原字  
者非又按爾雅絕高爲之京又廣平曰原二者絕不  
相同是未可以強通也于氏集評云檀弓注九京山  
名在今絳州晉大夫墓地按檀弓注無山名之說考  
水經六汾水注云西逕京陵縣故城北王莽更名曰  
致城矣于春秋爲九原之地也漢志太原郡京陵師

古曰卽九京日知錄云此因記文或作九京而附會之耳古者卿大夫之葬必在國都之北不得遠涉數百里而葬于今之平遙也志以爲太平之西南二十五里有九原山近是

貪夫廉

傳季友爲宋公修楚元王墓敎

奮乎百世注引孟子貪夫廉懦夫有立志雲璈按李氏注三國名臣贊郭有道碑文皆作貪夫廉今孟子作頑夫趙注亦作頑然韓詩外傳漢書王貢兩龔鮑傳序後漢書王龔傳丁鴻傳論列女傳注俱作貪夫據下懦夫有立志鄙夫寬薄夫敦皆以相反言之則

作貪爲是兩漢及唐人皆引作貪必非無本臧氏玉  
林云孟子在漢有劉熙注梁有綦母邃注作貪者或  
見於二家之本與

文

注改呂覽

王元長永明九年策秀才文

清眇洽風述遵無廢注引呂氏春秋曰凡耕之道畝  
欲廣以平眇欲小以清今呂覽辨土篇作眇欲小以  
深雲璩按清字似是李氏特欲以釋清眇二字而改  
之而不知其義之難通矣當從呂覽深字爲是

乖戾字誤